

04 JANUARI 2018

## Hantar ketum guna bas ekspres

### DALAM NEGERI 5



MAZLAN LAZIM (kiri) dan pegawai-pegawainya menunjukkan hasil rampasan daun ketum dalam sidang akhbar di Ibu pejabat Polis Kontinjen Kuala Lumpur, semalam.

## Hantar ketum guna bas ekspres

**KUALA LUMPUR 3 Jan.** - Hantar kira-kira 120 kilogram daun ketum setiap minggu dari Utara ke ibu negara menggunakan bas ekspres.

Daun ketum tersebut kemudiannya dibawa anggota sindiket ke sebuah rumah di Taman Setapak yang digunakan sebagai makmal untuk diproses menjadi air ketum dan seterusnya diedar kepada ejen mereka pada harga RM10 seliter.

Itu modus operandi sindiket yang dikenali sebagai Ayah Non 56, yang mempunyai enam rekod termasuk jenayah curi dan dadah ditangkap di rumah itu dalam operasi pada Isnin lalu.

Ketua Polis Kuala Lumpur, Datuk Mazlan Lazim berkata, operasi pada pukul 3.45 petang itu turut merampas 96 bungkus plastik daun ketum dengan berat 96 kilogram, 217 bungkus plastik disyaki air ketum dan satu besen besar berwarna merah berisi daun ketum dengan anggaran nilai sebanyak RM6,376.

"Kami dapati modus operandi mereka adalah mengisi daun ketum dalam tiga beg dengan berat antara 50 hingga 60 kilogram setiap kali penghantaran ke Kuala Lumpur dari utara menggunakan bas ekspres. Setiap penghantaran boleh menghasilkan air ketum bernilai RM6,000 hingga RM9,000 dan setiap minggu dua penghantaran akan dibuat.

"Jadi, kami ingin menasihatkan kepada pengusaha bas ekspres untuk berhati-hati dan jangan sampai terlibat sama," katanya dalam sidang akhbar di Ibu pejabat Polis Kontinjen (IPK) Kuala Lumpur di sini hari ini.

Tambah Mazlan, suspek ditahan reman di bawah Seksyen 17 Kanun Acara Jenayah selama tu-

juh hari sehingga 7 Januari dan kes disiasat di bawah Seksyen 30 (3) Akta Racun 1952 yang membawa hukuman dengan maksimum RM10,000 atau penjara tidak melebihi empat tahun atau kedua-duanya.

Selain itu, pihaknya juga menyalah di bawah Seksyen 15 (1) (a) Akta Dadah Berbahaya 1952 kerana dua daripada yang ditahan didapati positif syabu.

Sementara itu, Mazlan memberitahu, indeks jenayah di Kuala Lumpur pada 2017 turun sebanyak 20.67 peratus berbanding tahun sebelumnya.

"Bagi jenayah jalanan seperti samun dan ragut pula kita berjaya menurunkan kepada 25.67 peratus. Ini akan memberikan kesejahteraan kepada orang ramai yang berkunjung dan tinggal di Kuala Lumpur," ujarnya.

Tambah Mazlan, sebanyak 74 serbuan di pusat hiburan bagi kes narkotik dibuat pada tahun lalu melibatkan 3,979 pemeriksaan dan 1,236 tangkapan iaitu 777 lelaki dan 459 perempuan serta RM82,117 nilai rampasan.